

厚縣志

崞縣志卷之八

宦蹟傳一

漢

尹賞以郡吏察廉為樓煩長治行高第入為長安令

唐

劉世讓京兆人武德中為并州總管除廣州總管將之官高祖問以禦敵之策世讓對曰敵兵時出為患良以馬邑為之中頓故也請以勇將戍

崞縣志

卷八 宦蹟

崞城多貯金帛募有降者厚賞之數出奇兵與
未稼敗其生業不出歲餘彼無所食必降矣高
祖然其計曰非公誰為勇將即命世讓改為崞
城總管馬邑病之北兵惡其為已急遣其臣曹
船佗來言世讓與敵兵通謀欲為亂高祖信之
殺世讓籍其家

宋

楊迺昭太原人以都巡檢使守陽武峪驍勇善戰
軍中憚之日為楊六郎孟良烏贊並延昭部將



同時備邊屢立戰功

李翼宣和末爲代州西路巡檢使屯縣金人取代來諭降翼射却之率士堅守城破搏戰被執怒罵不屈死之

李聳宣和末爲崞縣令金人破城死之

張忠輔宣和末爲將同崔中折可與守崞縣金人來攻忠輔固守拒敵中有二心設伏斬忠輔首以降金可與以不屈亦見殺

王唐臣宣和末爲縣丞金人破城偕縣尉劉子英

崞縣志

卷八 宦蹟

二

並死節焉

金

張大節五臺人天眷中以進士任崞縣丞廉謹剛直果於從政世宗甚愛重之累遷振武軍節度使

毛瑞卿彭城進士任崞縣簿摧折豪右奸民斂手遺愛久遠陞尚書省令史

明

劉大淵文安監生洪武間任縣丞時甫經兵革地

方元氣未復大淵廉以持已敏以處事撫綏釐剔吏畏民懷

武桓中牟舉人正統十年任知縣巡行阡陌勸課農桑復以境適邊陲凡戰守之具皆先事預備治城隍修器械號令嚴肅民賴以全

徐壽昌平舉人成化十五年知縣事有惠政值歲大饑壽親詣富民券貸活數萬人捐俸大修來宣橋祀名宦

陳誌元城舉人宏治九年知縣事持身廉潔蒞政嶧縣志

卷八 宦蹟

三

勤勞尤注意於造士修復學校嘗召集諸生親爲講學論文後封太和伯祀名宦

雷宗桐城進士正德中以御史直諫北巡忤旨謫知縣事律已廉明臨事果斷豪右歛迹邑政振舉

閻莊蘭州人正德年爲縣丞清勤以持已公恕以撫民尤注意於學校上下胥賴遺愛歷久不衰仇相山東淄川監生嘉靖中由饒陽令調任嶧縣廉慎慈祥號爲衆母建倉儲廣積貯凶荒恃以

無愁尤加意於學校親課諸生循循善誘士心
依歸焉後謝政還園邑舉留不得涕泗而送立
有誦去思

張三省濱州貢生嘉靖初任縣丞威制豪強清苦
自甘卒於官貧無以殮

劉廷璋南陽監生嘉靖十二年教諭崞縣立身行
已一秉端嚴望而知其爲正人爭敬憚之人士習
景行咸服其教

史漁獻縣人嘉靖二十年以舉人知縣事規模軒

崞縣志

卷八

宦蹟

四

豁政事精詳值有兵警備預萬全民恃不恐

張嘉臣陽武監生爲縣教諭教人以孝弟忠信禮

義廉耻爲先諸生婚喪貧不能舉者捐俸助之

喬元相嘉靖三十八年任縣丞時兵革突起直薄

城下率衆守禦擐甲登陴日夕不稍離民賴以

安又出金數百贖還本色驛丞張某當時並重

其義云

袁應春鳳翔舉人萬歷二十七年自靈石調繁崞

縣課農桑酌徭役罷羨鏹革健訟葺城垣成橋

梁修壇廟祠節義新學宮飭教場施棺藥栽冗
稅助諸生婚喪建旌善申明亭調任夏縣去行
李蕭然有古琴鶴之風士民思之不忘立碑志
績祀名宦祠

李年耕萬歷二十九年以河南杞縣舉人知崞縣
爲政嚴明公正率物地方肅然修築城垣尤著
績焉

陸壽光陝西沔縣選貢萬歷三十四年任縣初建
學倉修補南北二橋諸事興舉闔邑利賴雅好

崞縣志

卷八

宦蹟

五

著作詩文推重一時稱文學吏常輯縣志四卷
其書至今不廢三年秩滿擢去

張鳳池夏縣人萬歷三十二年由歲貢爲崞縣教
諭學問淵博訓課勤勞嘗著大學理說彙教集
崇正錄闡明性學振飭文體士人多慕效焉與
陸令壽光同時縣志其分纂者也擢靈臺知縣
去祀崞縣名宦

劉楫濟鄴城人萬歷中以貢知縣事接任陸壽光
有規隨之譽仁恕廉明旌善除惡豪猾斂跡革

心地方實利賴之

江若練文登人天啟中由長治丞擢知崞縣力請
罷民葦租一舒積困又請撥空地租輸之學宮
以濟貧生矢心仁愛惠澤公普備載善政實錄
鄭獨復山東新城舉人崇正初知縣事值邊境多
故百姓供應軍儲脂膏枯竭至不聊生獨復省
差縮賦弭盜安民憲使丁公薦爲廉能第一擢
寧鎮府丞調繁陽和會北兵屢入內地掠崞擄
去婦女百千出宣大口獨復偵知之率衆截其
歸路敵却去盡棄婦女獨復悉給衣糧車牛之還
家慶重生焉大司馬張公鳳翼立石紀績崞人
祀之名宦祠

國朝

范印心河南河內人順治五年以進士知縣事持
操廉潔克勤厥職首請驛馬之牧於民者還諸
官積困以甦姜逆亂省北所在披靡印心殫力
防禦邑獲安五臺寧武士賊乘間竊發嘯聚數
千時時出沒縣境印心召募鄉勇千人合以壯

丁每村設一團練復立練總統之訓習有法號令嚴明嘗以身率先出行勦殺賊不敢犯又請蠲逋賦贖俘掠婦女民甚德之累任河東分守道祀太原府名宦祠

楊澤武功進士先爲浙江烏程令以憂回籍順治八年起補崞縣時姜逆初平田野荒蕪人民散匿澤悉力休養並得復業保聚捐俸繕修城垣文廟及各處橋梁煥然改觀一切行戶郵遞賦役之爲民累者盡行革除殲木虎山羣盜計擒崞縣志

卷八 宦蹟

七

原平賊魁趙某巡撫馬公許爲治狀第一崞民立碑頌德云

宋師聖康熙十一年以秦安拔貢任縣丞有幹練才勤敏爲政嘗督修城垣及學宮殿廡齋署捐俸助工制度燦然治民尤篤慈惠有眞民父母之頌立石誌去思崇祀名宦

儀威絳州貢生康熙二十八年爲教諭秉性廉潔督誨諸生一秉程法時學宮雖經修復規模猶未完備威悉力興舉捐俸欣助於是咸正無缺

焉邑士勒石紀其績嵌 崇聖祠東壁

張承祖山東平陰貢生康熙三十年任縣廉明爲政冰蘖自矢先是一切行戶俱有官價比民間平買減半值徵糧耗羨加三四積困久矣承祖盡除之歲遭屢荒邑多盜承祖恩威並用奸宄革心民愛之如父母畏之如神明立碑頌德徧鄉邑云

崞縣志卷之八

人物傳

三國

秦朗仕魏爲驍騎將軍明帝嘗令受遺輔政

晉

秦秀朗之子少敦學行以忠直知名爲太常博士
司空何曾卒議諡秀議宜諡謬醜時雖不用其
議聞者避之王濟平吳旋師封縣侯時人爲之
憤悒秀上表訟之乃以爲鎮軍大將軍魯公賈

崞縣志

卷八 人物

一

克卒無嗣妻請以外孫爲世孫秀以悖禮溺情
亂倫拒之乃止帝弟齊王有賢名爲荀勗輩所
間以爲大司馬都督青州命太常議禮秀曰古
禮三公坐而論道不聞以方任嬰之帝大怒下
廷尉除名卒祀鄉賢

郝隆字仕治處士少博學無書不讀七月七日見
富家曝曬衣服乃出日中仰臥人問其故曰曬
腹中書耳與族人世福累世同爨詔表其門辟
爲參軍崇祀鄉賢

北魏

張黎原平人善書記北魏時以忠直重於朝賜爵
廣平公世祖任以輔弼軍國大計黎常與焉鎮
長安清約公平恭宗初摠百揆與崔浩等輔政
有老成之勳吳王余立以爲太尉後以議不合
見誅

段乾雁門原平人爲慕容垂廣武令魏太祖畧地
至雁門乾率鄉部歸化子霸幼被宮以謹敏見
知遷中常侍定州刺史張渾屯告霸濁貨世祖

崞縣志

卷八 人物

二

怒免爲庶人

爾朱羽健爲領人酋長率健將武士從平晉陽定
中山拜散騎常侍居北秀容川詔割方三百里
封之長爲世業

爾朱榮潔白美容貌幼而神機明決及長好射獵
每設圍誓衆爲軍陣之法號令嚴肅正光中四
方兵起遂收畜牧招合義勇以討賊功進封博
陵郡公卒葬秀容川卽今銅川也

已上三傳舊志無採魏書補

唐

郝傑字處俊隆之裔也舉貞觀進士歷官外任高麗叛詔副李勣爲總管賊遽至傑據卧床安冷密簡精銳擊之賊遁去高宗朝擢東臺侍郎方士盧伽逸以不死藥進帝將餌之傑以脩短有命非藥可能延諫帝乃止帝嘗分晉樂爲東西卿使雍王周玉角勝爲樂傑曰二王春秋尙少志趣未定當推梨讓棗相親如一今分二朋通相誇競非所以崇禮義勸敦睦也帝乃止帝嘗崑崙縣志

卷八

人物

三

風眩議使武后攝政傑曰天子理外后理內天之道也陛下奈何以高祖太宗之天下不傳之子孫而傳之天后乎帝深善其言嘗書飛白賜傑曰飛九霄假六翮人稱爲六翮相公

後五代

安彥威字國俊少以軍卒隸唐明宗麾下善射知兵法明宗鎮天平彥威爲牙將以謹厚見信明宗入立歷遷捧聖指揮使領寧國節度使晉高祖卽位拜北京留守徙鎮歸德河決滑州彥威

出私錢募民治堤遭歲饑悉力賑撫出帝時將
用兵拜北面行營副都統悉以家財佐軍以疾
卒於京彥威與安太妃同宗出帝事以爲舅彥
威未嘗與人言及卒太妃臨哭始知其爲同宗
也時益稱其慎重祀鄉賢

郝勝字世剛隆之後氣槩勝人仕晉爲管軍戶懸
帶銀符

宋

楊宗閔建炎中爲永興軍副總管金人破城死之

崞縣志

卷八

人物

四

諡忠介祀鄉賢

楊震宗閔子從折可從討方臘有功還遷知麟州
建寧寨靖康初夏人圍建寧震率士與戰矢盡
力乏與子居中執中死之諡恭毅祀鄉賢

楊沂中震子靖康元年從康士八衛初李成叛沂
中爲張俊都統制曰彼衆我寡當以奇勝俊從
其策大破賊衆遂復江州追擊成大敗之命典
提舉宿衛親兵不滿二千嘆曰勾陳天仗卑弱
乃爾於是招丁壯營教圍軍聲大振六年逆豫

入寇沂中遣吳錫率勁兵五千突入劉猷軍繼以大兵乘之賊大敗猷以首抵李諤曰適見髯將軍銳不可當果揚殿前也遂遁去累遣淮北宣撫使十一年克復廬州奉詔班師加開府儀同三司賜名存中尋進少師班樞密院上三十二年逆亮入寇以存中爲御營宿衛使未幾亮死高宗嘗曰存中忠無與二朕之郭子儀也孝宗嗣位以舊臣尤禮異之呼郡王而不名所居建閣以藏御書帝爲題曰風雲慶會之閣隆興二年都督江淮軍馬尋詔還加寧遠昭慶節度使乾道二年卒贈和王諡武恭祀鄉賢存中世以忠孝名家永興之難大母劉流落隴蜀存中日夜禱祀訪問關數千里卒迎以歸子僕工部侍郎倓僉書樞密院事並負時名

金

王特起好學博論尤長於詞賦泰和中進士爲真定錄事叅軍有惠政民立碑頌其遺愛改沁源令祀鄉賢

崞縣志

卷八 人物

五

楊思義年十四登第授文水簿調孟縣簿政績顯著陞太谷令

胥鼎字和之由進士知平陽府兼河東南兵馬都總管蒙古兵渡潼關鼎遣將將兵趨陝而自以精兵援汴金主嘉其忠拜尚書左丞陳利害十
二事多見採用尋敗蒙古於平陽進平章政事封莘國公

武伯英少舉進士以詩名嘗賦剪燭刀有啼殘瘦玉蘭心吐蹴落春紅燕尾香之句甚爲時輩所

崞縣志

卷八 人物

六

稱仕爲觀州倅貯書有萬卷樓

元

張仲琮生而有勇力遂習武畧技藝絕倫金末天下喪亂期以功烈自顯乃與弟仲寬並克行伍隨元世宗討金屢立戰功二人初授千戶職金人削平仲琮累官都督招討南征哈番仲寬官至都統兄弟並爲開國名將

張居敬仲琮子隨父戎行料敵多奇中設策水陸並進遂以滅金功居第一歷授秦南征行總管

國家倚爲柱石至元二十一年以病卒於官太祖追悼之遣中使護其喪而歸諭祭葬命其子天勝爲行軍總管階武德將軍大德十年天勝亡朝廷念兩世功臣特賜子孫襲廕酌庸之典榮耀當時

二傳舊志無採元史叅家傳補

皇甫德丰采奇偉木華黎噐之延諮時務德議論英發因拜信威將軍本州觀察判官行元帥府事扇人風鋤強梗興學校勸農桑時以良牧稱

崞縣志

卷八 人物

七

祀鄉賢

趙惟賢字如魯博學能文由國子生授孔顏孟三氏學教授陞平遙令仕至太常禮儀院奉禮郎所著有春秋集傳刑統賦解秋江文集諸書劉好德自幼聰明德學昭著仕爲高平尹兼勸農事縣久凋殘民多流移好德悉心整飭之撫安復業興學育才士風丕變卒祀鄉賢

王克義幼好學至正初由國子生授平準職轉定襄縣尹旬月而治民有歌曰斷幾件精細事取

幾件明白招只此龍圖不姓包常騎驢往來其家人至今稱之祀鄉賢祠

明

劉寅字拱辰常以道學自任教授鄉里學問淵源登洪武四年進士授兵部主事累遷侍郎嘗著武經直解行於世其書中論道德仁義忠恕敬信粹然一出於正祀鄉賢

趙本忠秋江子也洪武初授本縣儒學訓導發明正學士多宗之

崞縣志

卷八 人物

八

田益字損之性剛直不阿勢力由舉人知光山縣廉明果斷政稱河南第一擢監察御史權倖斂迹巡按鳳陽聽獄多平反貪汙望風解綬遷陝西僉事兵備甘州甚有政聲

李麟崇仁都人永樂年以人才薦歷仕河南彰德府知府清廉率屬慈惠及民一時推爲賢刺史梁璟字廷美少好學孝友謙恭登天順八年進士授給事中成化中累遷都給事中嘗劾都御史王越邀功起釁而薦前兵部尙書王竑都御史

高明語涉昭德官觸帝怒逮至文華殿訊拷之
尋獲釋擢陝西叅政分守洮岷西番入寇提兵
斬其魁徧歷所部詢民疾苦糾察郡縣吏洮岷
以安宥治初巡撫湖廣賑飢民理冤獄永州寇
作督官兵平之尋移撫四川除劇盜擢南京吏
部右侍郎進南京戶部尙書出納明允耐清苦
遵矩度與北部周經齊名以星變乞歸卒於家
祀鄉賢

李瓚字重器少以孝感愈父疾由進士任給事中

岷縣志

卷八

人物

九

多所建白陞四川叅議惠多及民尋轉貴州削
平僭亂陞苑馬寺卿謝政歸行李蕭然人多稱
之

張仁中成化甲午鄉舉尹兩當政教大行旋致仕
歸教督子孫一秉法度鄉里仰其高風

王啟應成化八年里選授房山尹不避權倖尋判
西安督糧郡縣行部有期不果太守嚴柳東問
其故曰吾心動恐有親故踰數日母訃至巡撫
熊公嘉其孝感贈金以異之起服判汝寧政

尙寬簡民甚悅焉

張錦中成化丙午解元授丹陽令分祿養所親陞判保慶繼調開封並著惠政民歷久思之

賀瓚中成化丙午鄉舉任三原訓導立心清慎造士有方上官交薦之陞南京國子監助教

賀璠字寶之瓚弟由舉人任長安知縣廉靜寡欲改知高陵狀元呂柟頌其賢有雀飲視池犬驚樂韻之句以事忤逆瑾免官瑾誅起知鄠縣多惠政

醇縣志

卷八 人物

十

劉淮字濬之號西溪有勇力好學問成化庚子襲廕宣府前衛空治壬子出守保安新城歷陞宣府副總兵賜飛魚一襲此處遺無此會領有

兵警淮奮卒擊之捷聞進級賜金帛註中府都督僉事備鎮宣府統馭得宜地方寧謐武宗辛邊邊將爭起取寵淮獨謙退武宗稱爲劉夫子

嘉靖間鎮守關陝此處遺無此會領有註左軍都督僉事移鎮遼東招來突撫振肅軍威以年老告歸卒於家

舊志無採省志補

賈忠由舉人知滄州有異政設法救荒民無失所
九年秩滿當去任民詣闕請留更任九年滄州
民歌曰滄州賢太守愛民如父母九年又九年
老幼皆得所累遣苑馬寺卿

張盤義民鑑之子富而好施凡建義學修道路周
卹困貧歲捐金數百克承父志後領鄉薦刻意
厲行嘗以聖賢自期胸次悠然外著和易望而
知爲純儒又饒有經濟不爲迂疎之學邑令造

崞縣志

卷八

人物

十一

廬請謁諮訪時務盤剴切指陳動中體要上下
賴之恬退不仕以樂道終其身崇祀鄉賢

李本立字道生正德庚午亞元任陝西慶陽府通
判才識明敏遇事迎刃而解陞直隸景州知州
士服其教民懷其德調雲南新安景州人思之
建生祠以祀焉

郝璋中嘉靖壬午鄉舉初尹上蔡積穀活飢民甚
衆旋調靈寶擢知陳州蝗不入境陟大名府同
知璋之爲政寬而不縱嚴而不苛所在宜民祀

褒之加一品俸及卒贈兵部侍郎特賜全葬諭
祭崇祀鄉賢著有四六稿蟬鳴集行世

張九鼎大陽里人貢生任山東樂陵縣教諭崇正
癸未攝德平篆時四方多警九鼎捐俸繕修城
垣廣儲守禦之具召募義勇合以門兵衙卒預
備不虞明年正月敵兵薄城營南門外晝夜環
攻九鼎插血誓衆登陴死守三子珽璨璠俱從
城頭炮矢齊發敵乃移屯城北弭家庄旋拔營
去三月初忽復至九鼎坐鎮城樓督理調度日

崞縣志

卷八 人物

三

不交曉食不下咽者彌月敵知有備不復攻城
武德道雷公稱爲渾身是膽滿腹皆兵以功晉
儀封知縣九鼎嘗嘆時事不支竟憂勞成疾辭
歸卒於家

李景時字行可號元麓杲仲子也與弟旦時勗時
號崞陽三鳳崇禎年以歲貢仕濟南府通判勤
敏幹濟爲上官推重攝鄒平篆釐奸剔弊閱月
政成直指使疏薦之德州將官尅扣軍餉衆兵
大譟作亂撫按檄景時治之景時單騎直入諭

靈寶名宦祠

亢慶鴻嘉靖間貢知陝西同官縣建奎光樓修濟陽永壽諸寨爲縣防守爲政日久民甚德之賀愈登隆慶辛未進士任咸陽知縣有大疑獄歷年不決株連多人愈至立爲讞定開釋無辜稱神明焉行取工部虞衡主事禁絕侵欺節省庫金逾萬尋擢都水郎中督杭州權稅釐剔積弊公私兩便陞陝西臨洮知府一秉清勤以爲政有權閹奉差至洮驕橫百出愈以法屈之閹恚悁縣志

卷八 人物

三

甚還京將中以不測愈自問不遂要津以親老終養告歸卒於家

李楠萬歷丁丑進士授刑部主事晉郎中出守鳳翔府補保定遷陝西副使分巡河西尋改靖邊兵備親歷川原籌邊務屢疏乞身七年復起陝西副使分巡河內遷本省按察使歷布政使擢巡撫陝西楠起家刑漕游歷開府清介公且及持節西陲募士卒繕守備城垣竣如金川保陞功高臣蹟詳陝西通志朝廷以清廉卓異聖書

以大義招降三千餘人以功奏署本府事闖賊渡河濟南破立偽官景時曰吾職任守土殉國難分也但老母在家不可不訣別乃急馳歸母曰臣死忠子死孝汝自爲之景時遂服藥死

朝

得時少穎悟年十二爲博士弟子會大兵南下以俘纍走千里幾死者數未嘗一日忘讀已乃教授瀋陽人稱山西夫子 王師入關定鼎除國史院學士尋命巡撫河南節省河工煩費累

嶧縣志

卷八

人物

古

萬率各屬招撫流亡給以耕具奏免荒糧亟舒民困順治十五年晉兵部尚書總督漕運禁包攬代納之弊權緩急度支之宜剛紀嚴肅遠近翕然時海氛未靖潛窺內地得時聞變馳拒之賊蜂集勢不支得時曰爲國重臣不能滅此朝食安得醜顏偷息以爲國恥乃向 闕九叩畢投郵河死遺疏陳朝廷哀悼予卹典廕其子承恩內院讀書

九中大陽都人順治中由進士任河南襄城縣

值地方凋瘵允中悉力體養輕徭寬賦招撫流
亡月朔集諸生課試明倫堂並爲教條以盡勸
道歲旱蝗允中虔禱備致靈應襄民感之刊布
青天德政詞五十則以爲頌擢吏部主事 國
朝一統志循吏傳允中預焉並載其所著治襄
錄祀襄城名宦祠

張贄順治戊子辛卯兩中副車康熙七年授江南
安慶府通判爲政和易民人懷其德旋告歸
不復入仕途贄生平爲善若不及嘗箋釋其祖

崞縣志

卷八

人物

五

父學正維存心事天圖說并自著勸諭恒言刊
布行世其論立身行事修己治人之道至詳且
要讀者奉爲金鑑云

李期遠勵子登康熙戊辰進士任陝西隆德縣知
縣仁心爲政請蠲窮民賠糧數萬緡民立生祠
祀之擢吏部郎銓選秉公明於黜陟人比之山
公啟事云

李燕生字華宸儉子生有異兆年十二即以經術
自許讀韓昌黎文有醇而後肆之樂居父喪哀

毀骨立人以孝稱登康熙辛未進士選授翰林
教習庶吉士日與同館講貫經義闡抉微奧一
時推爲儒宗性恬退不樂仕進引疾告歸足不
出戶日從事於性命之學嘗謂客曰中夜久坐
自覺胸中空洞無一物此時天理二字似無處
安着然竊驗空洞無一物時藹然若有生意此
便是仁之本體呈露處蓋其實有所得也生平
手不釋卷六經多所發明易尤其所注意者因
署其居曰易在謂自王鄭之說行易義漸亾南
著有易集及詩文稿於家

崞縣志

卷八 人物

十六

栗秀蕃字茂玉大南上都人中康熙丁卯鄉舉習
南宋五子之學實有心得當時推爲真孝廉任
長治縣教諭勤於課士一秉蘇湖規範每月朔
望會集諸生宣講儒先宗旨闡微抉奧曠若發
矇士風丕振蓋本其身教爲言教也學使者特
疏薦之未幾卒於官長士立碑學宮頌其教澤
李徽字元綸燕生子康熙癸巳鄉薦第一乙未捷

禮闈雍正癸卯殿試選庶常改刑部主事旋歸
翰林遷監察御史晉僉都御史專意理學嚴劾
服庭訓一以立身行道爲本其在刑曹專任親
審司事論獄多平反上河清頌特稱旨于未會
試以御史充同考官所拔皆知名士巡察畿南
風節尤著擢湖南觀風整俗使時曾靜張熙俱
爲悖逆煽惑愚民朝廷欲簡一才守兼優之臣
坐鎮勸迪之甚難其人高安相國特薦徽遂有
是命在楚四年察吏化民楚風丕變然徽疾惡

嶧縣志

卷八 人物

十七

至嚴不避權要聲望愈重寵眷日亦隆衆惡其
害已爭搆之竟落職還京左遷監督倉塲積弊
一空雍正十三年九月今上御極首錄先朝
勲舊特復原官會當大用遽沾時疾卒於邸第
朝論惜之所著有原本堂文稿藏於家

張尹大陽都人初仕孝義教諭學使特以卓異疏
薦晉閩漳浦令民風刁悍尹以嚴明治之釐剔
弊竇邑大治人心感服爲作仁政謠丁艱歸行
李蕭然起補粵西永福地多伏莽尹攝之以威

撫之以德盜遂絕調任諸羅秩滿遷河南彰德
府丞陞河南府知府正直率屬民愛之歷久不
忘焉

張鶴尹之子以人才効力軍前雍正初敘錄軍功
特授刑部員外陞郎中讞決積案疑獄多所平
反賢能冠西曹大司寇薦之擢貴州道監察御史
直言條奏不避忌諱有蹇蹇之風

孝友

元

王居敬居智居信事父德順承顏養志曲致親歡
比父卒墓三子並廬墓側時人稱爲三孝

皇甫世忠性至純孝居母尉氏喪廬墓盡哀自禰
祖而下封墓高一丈六尺餘皆自爲築手爪血
裂州牧表當旌會白上未復而世忠卒士民悲
悼之

明

崞縣志

卷八

孝友

一

曹子溫事母至孝母終哀毀骨立旣葬廬於墓側
三年以純孝稱

李珩字廷珮崇仁都人欽子嘉靖年由選貢任廣
東湖州府經歷母氏趙苦節四十年珩奉母訓
之官一秉清慎旋以終養懇歸生事死葬遠近
並以孝稱

王貫事嫠母張至孝母卒哀毀廬墓有白兔烏鴉
之祥同時弓一中亦以廬墓稱孝

王猷邑庠生母聶氏故廬於墓鑿池爲穴獨處

年父卒亦如之孝行著聞有司旌其門

張時亨邑庠生母王氏卒事繼母施氏以孝稱施疾時亨輒禱願以身代撫異母弟時泰友愛倍至得成立焉

賀多壽愈之子父母相繼沒廬墓數載餼粥飲水感有白兔往來青苗雙穗之應鄉人咸以爲誠孝所致

郭紹鳳神原都人年二歲母卒父登高繼娶楊氏撫養十餘歲鳳稟性仁孝事父與繼母承顏順

崞縣志

卷八 孝友

二

志父病篤飲食不進紹鳳焚香祝天曰父幾日不飯我拜香幾日亦不飯拜至三日父病果痊父年八十紹鳳年已五十孺慕愈切比父卒竭力營葬手造墳臺廬於墓三年無異瞻衣膝下焉

李方實庫狄都人事親孝父病卒哀毀骨立竭力營喪葬具卽墳掘地爲穴獨居三年養一犬爲伴使往來家中負運米薪之類身未嘗一至家也人皆以孝稱焉

土尚質南鄉居民也父早卒母孟氏家貧甚質已厭糟糠事母曲盡孝養凡飲食菜果新物母所欲必購以進母病篤晝夜號呼告天如嬰兒然母病果愈事兄恭謹倍至處鄉人恂恂如也雖五尺之童皆知爲王孝子

張興天啟年選貢性肫孝父養浩贈承德郎常患癱瘓臥床累年興侍奉朝夕未嘗解帶父病劇爲嘗糞禱籲不輟願以身代比父沒哀毀廬墓事母樊極盡愛慕撫諸弱弟尤致友于一時士

崞縣志

卷八

孝友

三

大夫咸詩歌贈之以頌其孝彙刻孝行紀流播遠近

李勗時貢生杲季子也天性孝友兼多智畧方臺山賊嘯聚所向無完村先是仲兄旦時死姜逆兵難母慟甚勗時委婉慰順撫愛孤姪外嚴守禦之策時姜逆雖平餘黨漏網復合賊夥昔之殺旦時者二人在焉勗時計擒之誠以祭兄靈羣賊望風而靡不敢復至諸村倚勗時爲保障一方後仕陵川訓導甚著教澤

張誌雍正甲辰武舉事孀母色養備至常侍母病
衣不解帶者累月至廢飲食比母歿喪葬盡禮
廬於墓側往來者時聞哭泣聲墓前枯樹忽榮
有孤鳥集其上人謂孝感所致乾隆八年 詔
以純孝旌其門

義行

金

游完大定初歲荒完日賑贖三百餘口冬給窮民衣襖五百套常出貲平治道路二百五十里北至大和嶺南至石嶺關又築來宣普濟二橋功費鉅萬及其老也以仁愛勸勵子孫人共號爲義門

明

梁洪崇仁都人正統六年大饑輸粟一千二百石以助賑詔旌表立坊

崞縣志

卷八

義行

張鑑神原都人正統六年歲飢鑑出穀一千五十石助賑有司上其事詔賜旌獎給羊酒免差役表爲義民

石公廉左廂都人修石橋及蒙恬祠并坊天順二年歲荒輸米四百石以賑窮民詔授七品散官立石表其門

李斌庫狄都人王志厚王就都人郝士榮貴茹都人天順二年大饑三人各輸粟四百石賑濟窮

民存活甚衆有司以聞詔爲斌立義民坊授七品散官志厚士榮如例以旌

武士榮大莫村人天順六年大饑輸米五百石賑濟詔立石表門

楊資捐金三百兩完官賦得與旌典又石盤代償民逋張存智還金輸賑閭俊鑿山架橋俱有義聲

賀桂在城都人庠生萬歷三十七年歲飢有司諭令士民出粟救荒桂與王文炳何耀龍李迎春

崞縣志

卷八 義行

二

李蘭香李天資劉應臺共相樂輸各捐穀或百石或五十石以賑存活甚衆撫按奏聞命給儒官冠帶尙義匾額以示獎云

賀海晏桂子貢生本縣丞某寄一木櫃於其家後承卒遇兵變櫃中物盡失晏於櫃底檢得白金一百五十兩白之官俟丞子至悉還之邑人咸重其義

李可久庫興都人天啟年歲貢任孝義訓導士服其教無忝厥職後告歸嘗樂施予於本城玉皇

廟東西關關帝廟城隍廟岱山廟白衣庵各施地五畝又修葺玉皇煖閣施大林村丁字路好善不倦鄉里重之

張維裕存智孫崇禎七年兵難裕於陽和郡覓車百輛護載被掠婦女盡歸其家有司以爲善最樂可與爲善匾旌之

王納誨城關右都人崇禎末由拔貢任浙江衢州府推官甫到任有吏書金瑞成獻前官鄧某遺金二千餘兩納誨佯發密遣人召鄧之子至悉還之讞斷刑獄以明允稱

國朝

張琳弟子員寧武賊起攻大陽堡琳率衆禦之殺賊三人旣而賊大至力戰爲賊殺 詔旌其門

李旦時杲子楠胞姪貢生順治六年姜逆作亂其僞將統衆萬餘由應州入將寇定襄道出同川肆掠旦時團練鄉勇禦之預治一棺示必死賊至力戰不支被擒僞將勸之降怒罵不屈遂遇害子生員含玉姪養兆俱從見父叔被殺誓滅

崞縣志

卷八

義行

三

賊報仇同日死難 詔旌其門

楊名聲三泉人生而有膽力嘗以氣節自任國初
土寇肆掠秋榆等村被禍尤酷知縣范印心率
鄉勇壯丁往勦之名聲翼輔其間設帳計謀方
夜半羣賊突入帳欲得范公甘心焉名聲滅燭
以脫范公而奮身拒賊賊以名聲爲范公遂變
殺之范公痛之甚書志士仁人四大字懸其門
又勒石以誌哀感推爲仁義智勇云

張宗夔神原都人性勇敢兼善謀畧鼎革之初流

崞縣志

卷八 義行

四

寇爲害四出劫掠臺使以宗夔爲義民千總委
鎮一方宗夔悉力捍衛設法勦除翦滅盜魁郭
來山信三魁等餘黨漸平由是鄉民安堵

張珣大陽里庠生學使舉德優順治初土寇四起
有興嵐婦女數十被掠到崞珣候賊他出悉收
養之庵中日給薪米訪得其家盡歸之子夢龍
幼秉父教樂善好施糾衆建白彪村 關帝廟
茶亭及陽武河車橋又置膏地六十畝爲修橋
永利之資每歲晚施布四疋以給橋夫歷今百

年子孫繼志施捨不輟云

張宗舜神原都武生膽力絕人兼擅謀畧順治元年東山土寇聚衆千餘時出劫掠盤踞險隘官兵莫敢深入知縣路萬化素悉宗舜才命往勦之宗舜率領鄉兵直搗賊巢姚采姚華者渠魁也負勇善戰合力拒宗舜宗舜善舞雙刀矢石不能及揮采落馬斬之華急下收其屍宗舜從後襲擒之餘賊盡降萬化上其功於宣大制府特授守備職銜給劄付

崞縣志

卷八

義行

五

李志爲邑諸生特擅智勇習韜畧鼎革初闖逆追奔賊黨解散多竄匿全晉山谷復爲民害宣大總制吳公深知志有武畧授以守備劄付命爲叅謀凡防禦征勦皆其贊畫餘孽悉平

楊桐永興都人康熙四年歲飢桐捐銀一百兩賑貧學憲以行優嘉之

栗秀堯字獻玉大南上都人秀蕃弟父尙誠早卒秀堯事母及祖父母至孝祖常倚之爲杖左右不偶離性耿直敦尙氣誼不避利害里人某有

被盜誣者嘗傾產代白之生平扶危濟困排難
解紛閭黨高其義諸孫曰極致者最長爲邑諸
生砥行績學教育群弟並成名咸以爲先德之
報云

馮國琛康熙丁亥歲貢生戊子奉 恩詔改作恩

貢家貧而好施予常捨棺以濟人之不能殮者
歲終則出米炭以周里中貧乏其先人多貸人
以財至是不能償國琛悉焚其券尤篤一本之
愛子性皆已析居凡婚姻喪葬之需必竭力資

崞縣志

卷八 義行

六

助不少惜且出已產分給之而代完其 國課
每告鄉人曰爲善最樂愧我有志未逮也年八
十九推老成典型邑令舉鄉飲禮延爲大賓

文學

李翹生字挺之陝西巡撫楠曾孫幼聰敏有奇童之目年十四遊庠二十五食廩餼早失怙家貧惟以舌耕之獲奉寡母撫弱弟備致孝友博極羣書經經緯史泛濫乎百家出入乎二代從遊日衆門下掇巍科列高第者多百數十人而翹生試輒冠軍十上秋闈不售竟以明經終生平著作極多詩古文辭悉臻工妙每一篇出遠近流行常攜稿以去遂致散佚年六十七病卒從

崞縣志

卷八

文學

一

子徽表其墓云先生之學以篤實爲本以孝弟爲先以居敬爲恒以自得爲要出其緒餘足以羽儀一世而坎坷畢生崎嶇萬狀此可以得其大槩矣

賈克明大吉都人康熙丁丑拔貢已卯亞魁教授生徒專務根柢之學崞士多造就焉年四十未仕卒著西巖詩集行世孫太史致彌序之云中
正和平不失風人之旨而清逸淡遠恍然在幽壑松風空谷蘭露開

蘭爾潛居白石村閉戶讀書手不釋卷少工舉子業急欲以文章顯乃入爲國學生赴棘闈屢試不售論者惜之晚年益肆力於古詩文雜著無不精巧而尤長于賦體崞縣一篇該洽華贍人仿之高文典冊云子嶙雍正甲寅選拔甚有時名

馮夢槐字兆公明經國琛子也性機警嗜學博極羣書旁及百家藝術工書畫人得其片紙寸縑輒奉爲墨寶雍正癸卯以選拔入廷試各動京

崞縣志

卷八 文學

師公卿爭禮致之旋以親老歸省卯辰間詔舉宏詞科有司以夢槐薦辭不就夢槐生平豪宕自喜不屑小節有晉人風致學藝冠絕一時嘗刻行鞍草詩冊及清遠齋文集課士錄等稿藏於家子二適立並有聲庠序間能世其學

隱逸

元王德素朴之子也性忠孝有智畧大叅楊公辟
爲幕官未久稱疾去寓汴中路交薦除汴梁路
雜造總管不就惟以適志爲尚號希元居士子
九齡痛父卒誓不就仕事叔父定襄縣令德柔
尤謹辟爲夔河令不就又辟爲榆次不踰月而
解組時人嘉其尙志

崞縣志

卷八 隱逸

仙釋

晉

慧遠茹岳賈氏子性好釋有戒行削髮本縣樓煩寺修行於白仁岩闢石爲室環堵爲扃嘗說法於臺鳥獸諦聽後遊廬阜結精合水遠不可汲乃以錫杖扣地清溪湧出後成一溪卽虎溪也送客過溪橋虎輒鳴號故嘗不過及送陶元亮陸修靜不覺過溪三人因大笑昔人遊南庵有詩云若問遠公歸何處獨持隻屨上西番後太

崞縣志

卷八 仙釋

一

隋

王梵志籍燕之河間性耽方外妹六人守貞不字事親並至孝大業中負其父骸骨偕諸妹至同川卜葬焉旣葬兄妹七人廬於墓側忽一日並坐化於栢樹下鄉人各爲立墓卽名其地爲栢

塔

金

僑寓

唐雍陶嘗往來於崞有題天涯山詩句云十年馬
足行多少兩渡天涯地角來

唐陶翰禮部員外郎嘗遊崞有題太子崖詩

金元好問字裕之秀容人嘗寓崞與王朴遊佳山
麗水多所題咏

明間仲字宇定甫代州人寓居王董嘉靖初由舉
人知華陰縣清廉明斷擢戶部主事以忤大學
士張孚敬謫寧海州同知甚著政績終以剛直

崞縣志

卷八 僑寓

觸權貴遂致仕歸足跡不一至城市有司不知
其名清修偉節老而彌篤論者比之劉元城鐵
漢

王朴字淳甫遼東廣寧人貞祐初以行省員外郎督餉至崞因家焉乃創道觀於州西北隅扁其軒曰虛白辟穀修真常自賦曰秋窻黃葉落是我入窩時待我出窩日梨花雪滿池一時士夫如遺山元文正公內翰李封龍輩皆造其廬推重之語見元文正公山行紀

彭舜安字國寶世業醫頗知儒書自號西林翁卒葬壓師坡下後六日於原子頭與里人程海南申村李成相揖而去後某有疾素聞其名召治之遇諸塗旣愈辭歸遣使賚其家乃知沒已數年矣自後見者不一鄉人知其爲仙立廟刻石

崞縣志卷之八

列女傳

元

馬氏吉彥亨妻彥亨早卒有勸以他適者氏以死自誓守節終身至順三年詔旌其門

張氏譚君澤妻君澤卒氏不再適事始以孝教子以義詔旌其門

辛氏汴梁路總管王德素妻德素居汴卒氏年少三女皆在室子九齡甫六歲氏躬自教育得底

崞縣志

卷八 列女

於成使扶父襯還墓有司以聞詔旌其門

明

靳氏譚子信妻夫亡氏年少子甫三歲誓守婦節事姑甚孝洪武七年詔旌其門

要氏二女父名聚剛正統間突遭火燹二女並見掠行至山谷間將欲污之二女給之曰吾家離此不遠有金帛在可速攜來母失吾坐此相候也乃捨馳去二女乃投崖死後人有詩挽之云萬丈巔崖萬丈節一番題說一番新遂名其地

爲烈女崖

賀氏任彪妻彪亡氏年甫十九有遺腹彪之繼母欲改嫁之氏流涕誓死姑疾事湯藥無倦意及姑卒鬻產營葬撫子任惠後以儒業授官壽八十而終嘉靖二十四年詔旌其門

趙氏李欽妻年二十夫亡誓守弗二織紵爲生姑兩目失明氏祝天日以舌舐之左目復明人稱節孝焉

王氏李林妻年十八夫亡一女甫歲氏堅志守節

崞縣志

卷八 列女

二

或勸適人誓不從女長適生員高賢賢亦早卒勵志如母賢有女適秦養民養民亦早卒女守節年七十而終時人稱王氏李氏高氏三世苦節如一轍云

田氏御史益之女少以孝聞割股愈父疾適義官石錦錦卒遺孤甚幼氏欲以死殉喪益以撫孤勸之乃割耳以殉葬苦節教子年七十而終

李氏武本妻夫亡家貧子幼氏願以死殉家人防之後稍懈遂縊死於夫柩側有司賻財表門

皇甫氏蘇柰妻柰卒營塋氏謂匠曰須令穴可容
二人家人驚駭防之後稍懈遂縊死與夫同葬
焉

李氏苑馬卿瓚之女適生員石懷寶方三月而懷
寶病生侍一年憔悴殊甚及卒誓不再醮婦道
甚飭終身不聞歡笑聲年八十而終

常氏王綉妻年二十夫亡氏誓死守節孀居五十
餘年上司以貞節表揚

賀氏程子朝妻知縣賀璠之女年十五歲適子朝

崞縣志

卷八 列女

三

子朝卒氏年十八欲自盡以同塋鄉人勸有翁
姑在且有遺娠氏乃止後生子名儉事母至孝
母病割股嘗糞人以節母孝子並稱璠次女適
王維垣垣早卒女亦勵志守節一如其姊

李楠子昌時邑增廣生娶王氏大保文端公女萬
歷四十七年七月十七日昌時病亡氏期以身
殉急思自盡家人防之乃絕粒不食越五日死
於昌時柩側臺使歷獎其烈崇禎末方會疏請
旌命未下遭國變聞者追悼焉

張氏陳光先妻年二十一光先忽慕導引之術出家學道臨別囑氏曰我行矣子年少家無以爲養其他適氏曰不能挽君之行侍巾櫛以終身命也而更辱身以貽君羞乎乃披髮以水灌頭示無改志光先旣去始猶幸其歸也閱數年光先竟不歸或有勸以改嫁者氏大慟曰我無夫何以生爲水漿不入口縣令尹際可聞之親至其家勸之食不聽七日而死上其事於巡按具題勅旌并爲立祠

崞縣志

卷八

列女

四

李氏弓子仁妻年十八歸子仁三月而夫亡有遺腹或欲奪而嫁之氏曰天不絕弓嗣得生男固福也我何以再污於人乃侍舅姑以死自誓旣生男國寶撫之成立處內外以恩終身不聞叱咤聲孀居五十餘年競稱完節

張氏大學生張琴女適生員郝良田夫早卒氏年二十誓不他適撫養二孤長子桂芳登庚午經魁官府通判氏七十八歲壽終按院累致旌表楊茂劉庄村農也生三女長小計兒次小舍兒次

小乞兒並淑婉茂家貧有富豪呂廷要慕計兒色美欲置爲側室茂已受其財計兒哭告父不願爲人妾父曰呂勢赫奕不敢背約也計兒乃自縊臨死謂二妹曰父旣挾制於呂必於女二人抵之二妹曰姊不受辱而妹獨甘之乎亦相繼縊死事聞直指題旌三烈於其門。

褚氏生員賀賢妻賢卒氏有遺娠誓不他適後生子繼學撫育成人壽七十而終當道表勵其門

郝氏張昊妻昊早卒氏年十九生子文光教以讀書壽六十而終上司旌表其門

崞縣志

卷八 列女

五

楊氏天植女適生員程可久久早卒氏年二十一有遺娠誓不他適事姑孝謹撫孤三元成立治家勤勞萬歷三十一年朝廷舉節旌表其門

靳氏李三戒妻夫亡斷髮守節屢蒙旌表享年八十三歲

亢氏劉思漢妻年十九生子甫半歲思漢病亡氏剪髮入棺以示死節撫孤成立年七十餘持身瑩潔有司旌表其門

賀氏在城都賀昌女年十八適北庄都張計生一女方一歲夫疾篤氏與訣曰君死翁必不容我守節或暗賣強娶我亦難自主也次日夫死氏卽自縊家人聞幼女哭聲乃覺焉遠近哀之
劉氏王桐之妻夫早故氏二十三歲子喬林方五歲家貧甚茶苦萬狀堅志守節喬林又早故所遺二子氏撫孫如子俱成立云

生員寇良政妻張氏性純孝崇正七年兵破崞誓不受辱携女投井死詔旌其門云作配儒門能

崞縣志

卷八 列女

六

識大義貞操天地爲昭烈節日月爭光

張蘭北庄都人妻王氏卒生子時亨未週歲繼娶施氏鞠養時亨曲盡慈愛後氏生子時泰與時亨俱患痘疹氏焚香祝天願傷已子而存前子作王氏後二子並痊凡衣服飲食獨厚時亨且藏食不使已子知慈愛始終如一亨事之亦甚孝初不知爲繼母也時人以母賢子孝稱

生員張桂南賈村人崇正乙亥流寇大至桂被執將殺之妻祁氏聞之號呼奔救至前曰吾夫上

有父母夫死誰爲養者寧殺吾而貸吾夫賊欲得氏乃釋桂而挈氏以行走十數里欲覓自盡限於縲綆不得遂且行且泣賊問其故氏曰我念舅姑并念我夫不置也賊笑曰我卽汝夫何泣爲氏厲聲言曰恨我爲巾幗不能殲此狼獾以除民患豈肯辱身以偷生耶賊曰汝胡不畏死氏曰我甘死如飴何惧焉罵不絕口賊恚甚嚮殺之

國朝

崞縣志

卷八 列女

七

貞女狄氏陽武村從周女張慶麟聘爲室麟未及娶而死女聞訃欲奔喪父母難之女曰是不欲吾生也矢志不可奪遂往焉卒哭後卽恭執婦道翁姑得婦如得孝子喜出望外因取族人二子啟緒佑緒爲之嗣奉養翁姑生事死葬無不盡禮督教二子相繼入泮學使者上其事於朝以旌之

馬氏李養兆妻兆義勇性成氣節自負國初從伯父旦時討賊死難氏方二十四歲遺孤市春生

未彌月翁姑在堂迫以宗祀絕續爲慟氏抗志守節以仰事俯恤爲已任翁晚年病目頗遭外侮氏一力支持備極荼苦孀居六十年兒孫滿前家政雍睦嘗謂布春日汝父死賊之日汝祖慟以不嗣肝膈欲出幸而宗祀有歸四世同爨內外無有間言今而後吾庶可見乃祖乃父於地下也康熙四十九年壽八十六以完節終

貞女賀氏者陽武村廩生崑之女許字郝琪琪臨娶墜崖死女聞之色蹙甚父母憐慰之女不答

崑縣志

卷八 列女

八

日與其婢安姓女密謀欲殉之安亦素事貞女曉節義者懇懇彌切忽一夜兩人相對各投縊貞女殉夫安殉其主焉邑人以其事請于官得詔旌云

楊氏舉人麟定女庠生李堡妻也堡患病劇甚度不能復起氏年甫二十三與堡訣曰君死吾安能獨生但吾方娠天不絕李祀得生男便可相從地下不願稱未亡人也堡卒氏哀痛欲絕闔三月果產男名復根氏曰吾事畢矣彌月家人

方具湯餅會氏乘間自縊於俎靈前知縣劉澤民表以凌霜奇節四大字

劉氏農人常養信妻二十五歲而寡事舅姑最孝勤苦守節終身不渝百有四歲號爲貞壽乾隆元年題旌其門給賞緞帛

劉氏張翔妻翔亡氏年二十五歲矢志守節孝事翁姑委曲承顏未嘗少形憂悴以傷二人心撫幼孤督誨不少恕每誡二子曰汝父旣亡吾負教子之責必得成立乃可見汝父地下也二子

崞縣志

卷八 列女

九

益奮勉天爵仕密雲丞天德候銓州同知並致顯揚乾隆二年詔旌節孝

安氏張宏運妻也二十七歲而寡糟糠自咽終身守節乾隆二年詔表其門

張翹大陽都人寄籍代州妻畢氏妾孟氏並幼歸翹翹病卒畢年二十九孟方二十一歲也矢志守貞兩心相印終歲未嘗一出外室奉事舅姑曲盡孝道畢有孤曰天畀撫之成立名列仕版孟以娣姒且無子勵節不移里黨尤豔稱之乾

隆二年 詔樹坊以旌雙節

張氏楊廷璧之妻二十四歲而寡事舅姑撫幼兒茹苦自甘矢志不變乾隆二年旌表

孟氏上封村庠生蘇生蘭妻年十九而寡孝事舅姑撫幼孤復榮延師教課得以遊庠氏終身以禮自持家富而甘樸素宜家有範四世同居遠近賢之乾隆二年旌表

李氏張昭妻也二十八歲而寡事親撫子守節終身乾隆二年 題旌

嶧縣志

卷八

列女

十

邢氏田助公妻二十四歲夫亡孀居守節乾隆二年奉旌

楊氏田朝佐妻也二十五歲而寡矢志居貞歷久不變乾隆三年旌表

馮氏者廩生楊春先妻也春先亡氏年二十七矢志守節事親撫孤備極艱苦里黨重之乾隆三年旌表

楊照林農人也妹二女子秉性貞潔年十四有惡少閭正英伺女母趙外出突入二女子室欲污

之二女大聲呼母正英恐人覺扼二女子吭死
之事聞於官寘閔於法乾隆四年題旌

楊氏代州民沃若女歸郟珠爲繼室年甫十七婚
七閱月而珠病亡珠先娶周氏女生子鳴玉方
四齡氏撫愛甚至鳴玉亦忘其失母痛也父以
氏年甚少命改嫁氏嚴辭觸父怒不敢歸覲一
日忽二嫗至氏所素昧平生嫗因道媒妁意實
父所使氏叱去之苦守十一年復有二嫗突至
具言其父已受武舉劉某聘卽日來娶備誇劉

醇縣志

卷八 列女

十一

豪富狀氏泣曰吾所以不卽死者爲此藐孤也
今鳴玉年已十六知讀書吾死可無憾若再貪
生必不克也乃密投繯焉乾隆五年題旌

艾采銀妻蘭氏負性貞烈一日采銀外出同院樊
金良子瞰氏獨立於門捏詞尋覓失物往氏室
氏隨以入樊挑之氏含羞不語樊疑爲心許遽
拽氏衣氏力掙絕裾憤甚厲聲讓責之隨手取
菜刀擲樊不中樊驚逸出比采銀還氏泣告至
晚縊死樊馬廐中有司捕樊寘諸法乾隆五年

詔旌貞烈云

郭氏二十三歲夫索應國病亡氏立志守節事翁姑以孝教孤子愆一執禮法名列膠庠遇歲饑出粟周濟鄉人乾隆六年旌表

張氏廩生李祖堯妻年二十二祖堯亡氏謹事舅姑撫幼孤鶴延師督課中辛酉科副榜人以爲節母之報乾隆七年題旌

吳氏候銓千總要拯妻也拯亡氏年二十四矢志守節生子曰珩教養兼至早年入泮娶妻黃氏

崞縣志

卷八 列女

十三

曰珩旋亡黃氏年二十二歲痛姑孀居守貞孝養稱雙節焉乾隆七年旌表

李大德女聚聚許字賈氏子賈未婚而亡聚聚年甚少守貞在室誓不他適父母不能強之佃奴王所貴素慕聚聚色久蓄不良謂弱質固在掌握中也乘大德夫婦偶出踰後垣至聚聚所欲私焉聚聚忿甚大罵之聲厲所貴恐脅以刃聚聚死之所貴徧體濺血自知不免急以刃自刺其腹腸裂於地而死乾隆七年詔以貞烈表其

門

莊氏女順娃負性貞潔隣人惡少張振林以言調
之順娃義不受辱羞忿自縊乾隆十六年題旌

崑縣志

卷八 列女

十三



